

T 5237.48/0233

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

NOV 1 1957

18

十八

柳柳州詩集卷首

傳略

柳宗元字子厚河東人父鎮侍御史

鎮大寶末遇亂
隱王屋山後徙

於宗元少聰警絕衆尤精西漢詩騷下筆構思

與古為侔精裁密緻燦若貝玉當時流咸推之

登進士第應舉宏辭授校書郎藍田尉擢監察

御史衷行順宗即位王叔文章執誼用事尤奇

待宗元與呂溫密引禁中與之圖事轉尚書禮

部員外郎欲大進用俄而叔文敗與同輩七人

俱貶宗元為邵州刺史未半道再貶永州司馬

既窟斥地又荒癘因自放山澤間其堙厄感鬱
一寓諸文做離騷數十篇讀者咸悲惻宗元久
汨振其文思益深嘗著書一篇號貞符又內閔
悼悔念往咎作賦自傲云云元和十年例徙柳
州刺史柳俗以男女質錢過期則沒入錢主宗
元革其鄉法已沒者仍出私錢贖之歸其父母
江嶺間為進士者不遠千里皆隨宗元師法凡
經其門必為名士著述之盛名動於時時號柳
州云韓愈評其文曰雄深雅健似子長崔蔡不
足多也節新舊唐書藝文志集三十卷今刻詩三卷

柳河東先生詩集目錄

第一卷

平淮夷雅二篇

唐鏡歌鼓吹曲十二

篇

眎民詩

貞符

第二卷

同劉二十八院長寄澧州張使君八十韻

弘農公誣枉三歲復為大僚獻詩五十韻

酬韶州裴使君寄道州呂八大使二十韻

酬婁秀才將之淮南見贈之作

酬婁秀才病中見寄

初秋夜坐贈吳武陵

晨詣超師院讀禪經

贈江華長老

酬巽上人以竹間自

採新茶見贈

零陵贈李卿元侍御

簡吳武陵

界圍巖水簾

古東門行

寄韋珩

和楊尚書追和故李中書夏日登北樓

揚尚書寄柳筆因獻長句

尚省轉牒欲具注國圖令盡通風俗故事

與浩初上人同看山寄京華親故

再至界圍巖遂宿巖下

詔追赴都迴寄零陵親故

過衡山見新花開却寄弟

汨羅遇風 朗州竇貞外寄劉貞

外見促行走筆酬贈

離觴不醉至驛却寄相送諸公

北還登漢陽北原題臨川驛

善謔驛和劉夢得酬淳于先生

詔追赴都二月至灞上亭

李西州薦琴石 同劉二十八哭呂衡

州兼寄江陵李元二侍御

奉酬楊侍郎送八叔拾遺戲贈南來諸賓

二首 商山臨路有孤松往

來所以為明好事者憐之編竹成援遂

其生植感而賦詩

衡陽與夢得分路贈別

再授連州至衡陽酬贈別 劉禹錫

再上湘江 清水驛叢竹

長沙驛前南樓感舊

北望秦驛手開竹徑至釣磯待徐

登柳州城樓寄漳

韓封連四州 柳州寄丈人周韶州

登柳州峨山 得盧衡州書因以詩

寄 答劉連州邦字

嶺南江行 柳州峒氓

酬徐二中丞普寧郡內池館即事

酬賈鵬山人郡內新栽松寓興見贈二首

種柳戲題 柳州二月榕葉盡落

偶題 浩初上人見貽絕句

欲登仙人山因以酬之

雨中贈仙人山賈山人

別舍弟宗一 奉和周二十二丈酬

郴州侍郎衡江夜泊得韶州書并附當

州生黃茶一封率然成篇代意之作

殷賢戲批書後寄劉連州并示孟崙二童

酬家雞之贈 劉禹錫 銅魚使赴都寄親友

韓漳州書報澈上人亡因寄二絕

重贈二絕 答前篇 劉禹錫

答後篇 劉禹錫 疊前

疊後 柳州城西北隅種柑

聞澈上人亡寄楊侍郎

段九秀才處見亡友呂衡州書迹

柳州寄京中親故 重別夢得

答 劉禹錫 三贈夢得

答 劉禹錫 種木槲花

摘櫻桃贈元居士 酬曹侍御過象縣見

寄 寄

第三卷

法華寺石門精室三十韻

游朝陽巖遂登西亭二十韻

湘口館瀟湘二水所會

登蒲洲石磯望江口潭島深迴對香零山

南澗中題 遊石角過小嶺至長

烏村 與崔策登西山

構法華寺西亭 夏夜苦熱登西樓

覺衰 遊南亭夜還七十韻

韋道安 哭連州凌負外司馬

且攜謝山人至愚池

獨覺 首春逢耕者

溪居 夏初雨後尋愚溪

入黃溪聞猿 韋使君黃溪祈雨見

召從行至祠下口號

郊居歲暮 秋曉行南谷經荒村

雨後曉行獨至北池

中夜起望西園值月上

零陵春望 從崔中丞過盧少府

郊舍 夏晝偶作

雨晴至江渡 江雪

冉溪 法華寺西亭夜飲

戲題石門長老東軒

茅簷下始栽竹

種仙靈毗

種木

種白蘘荷

新植海石榴

戲題塔前芍藥

始見白髮題所植海石榴樹

植靈壽木

自衡陽移桂植零陵

湘岸移木芙蓉植龍興精舍

早梅

南中榮橘柚

紅蕉

巽公堂五韻

梅雨

零陵早春

田家三首

行路難三首

聞藉田有感

歧烏詞

籠鷹詞

放鷓鴣詞

龜背戲

聞黃鸝

渾鴻臚宅聞歌効白紵

楊白花

漁翁

飲酒

讀書

感遇二首

詠史

詠三良

詠荆軻

掩役夫張進骸

省試觀慶雲圖

春懷政園

柳河東先生詩集目錄

田家三首
平淮夷雅二篇
皇武命丞相度董師集大功也
皇者其武于澱于淮既巾乃車環蔡其一作來狡
眾昏嚚甚毒于醒狂奔叫呶以干一作大刑
皇咨于度惟汝一德曠誅四紀其徯汝克錫汝
斧鉞其往視師師是蔡人以宥以釐
度拜稽首廟于元龜既禡莫駕切既類于社是宜金
節煌煌錫盾雕戈犀甲熊旂威命是荷

柳河東先生詩集卷第一
雅詩歌曲

平淮夷雅二篇

皇武命丞相度董師集大功也

皇者其武于澱于淮既巾乃車環蔡其一作來狡

眾昏嚚甚毒于醒狂奔叫呶以干一作大刑

皇咨于度惟汝一德曠誅四紀其徯汝克錫汝

斧鉞其往視師師是蔡人以宥以釐

度拜稽首廟于元龜既禡莫駕切既類于社是宜金

節煌煌錫盾雕戈犀甲熊旂威命是荷

度拜稽首出次于東天子餞之壘竿是崇鼎臚

汝未奴 刀二反 俎載側吏切 五獻百籩凡百卿士班以周旋

既涉于滄乃翼乃前孰圖厥猶其佐多賢宛宛

周道于山于川遠揚邇昭陟降連連

我旆我旂于道于陌訓于羣帥拳勇來格公曰

徐之無恃額額式和爾容惟義之宅

進次于郟彼昏卒狂哀兇鞠頑鋒蝟斧塘赤子

匍匐厥父是亢下郎切 怒其萌芽以悖太陽

下旅渾渾是佚是怙既獲敵師若飢得餽音 蔡

眾伊窘悉起來聚左擣其虛靡愆厥慮

載闢載被丞相是臨弛其武刑諭我德心其危

既安有長如林曾是謹饒化為謳吟

皇曰來歸汝復相予爵之成國一作公 于有音 胙以夏墟

度拜稽首天子聖神度拜稽首皇祐下人

淮夷既平震是朔南宜廟宜郊以告德音歸牛

一作 休馬豐稼于野我武惟皇永保無疆

皇武十有一章章八句

方城命愬守也卒入蔡得其大醜以平淮

方城臨臨王卒峙之匪徼匪競皇有正一作 命皇

方城臨臨王卒峙之匪徼匪競皇有正一作 命皇

方城臨臨王卒峙之匪徼匪競皇有正一作 命皇

命于愬往舒余仁踣蒲墨切彼艱頑柔惠是馴

愬拜即命于皇之訓既礪既攻以後厥刃王師

嶷嶷熊羆是式銜勇韜力日思予殛

寇昏以狂敢蹈愬疆士獲厥心大袒高驤長戟

酋矛粲其綏章右翦左屠聿禽其良

其良既宥告以父母恩柔于肌卒貢爾有維彼

攸恃乃偵乃誘維彼攸宅乃發乃守

其恃爰獲我功我多陰誅厥圖以究爾訛雨雪

洋洋大風來加于燠其寒于邇其遐

以陰之茫懸瓠之峨是震是拔大殲厥家狡虜

既縻輸于國都示之市人即社行一作誅

乃諭乃止蔡有厚喜完其室家仰父俯子汝水

泂泂既清而瀾一作夷蔡人行歌我步逶遲

蔡人歌矣蔡風和矣孰類一作類蔡初胡軌丘例切爾居

式慕以康為愿有餘是究是咨皇德既舒

皇曰咨愬裕乃父功昔我文祖惟西平是庸內

誨于家外刑于邦孰是蔡人而不率從

蔡人率止惟西平有子西平有子惟我有臣疇

允一作允大邦俾惠我人于廟告功以顧萬方

方城十有一章章八句宋元本皆止存十章

唐饒歌鼓吹曲十二篇

隋亂既極唐師起晉陽平茲豪為生人義

主以仁興武為晉陽武第一

晉陽武奮義威煬之渝一作淪德焉歸氓畢屠綏者

誰皇烈烈專天機號以仁揚其旗日之昇九土

晞一作熙訴一作斥田圻流洪輝有其二翼餘隋斲側略切梟

鷲連熊螭枯以肉勅者羸后土蕩玄穹彌合之

育莽然施惟德輔慶無期

右晉陽武二十六句

句三字

唐既受命李密自敗來歸以開黎陽后

土為獸之窮第二

獸之窮奔大麓天厚黃德狙獷服甲之橐弓河

矢箛皇旅靖敵逾感自亡其徒匪子戮屈贖與魯同

猛虔慄慄縻以尺組噉以秩黎之陽土茫茫富

兵戎盈倉箱乏者德莫能享音香驅豺兕授我疆

右獸之窮二十二句

十八句句三字
四句句四字

太宗師討王充建德助逆師奮擊武牢下

擒之遂降充為戰武牢第三

戰武牢動河朔逆之助圖掎角怒擊麕抗喬嶽

翹萌芽傲霜電王謀內定申掌握鋪施芟夷二

主縛一作縛憚華戎廓封略命之膏母巨切卑以斲歸有德唯先覺

右戰武牢十八句十六句句三字二句句四字

薛舉據涇以死子仁杲尤勇以暴師平之為涇水黃第四

涇水黃隴野茫負太白騰天狼有鳥鷲立羽翼張鉤喙決前鉅趯音惕傍怒飛飢嘯翮音宣不可當老雄死子復良巢岐飲渭肆翱翔頓地紘提天網列缺掉幟招搖耀鉉鬼神來助夢嘉祥腦塗原野魄飛揚星辰復恢一方

右涇水黃二十四句十五句句三字九句句四字

第五 輔氏憑江淮竟東海命將平之為奔鯨沛

奔鯨沛蕩海垠吐霓翳日腥浮雲帝怒下顧哀墊昏授以神柄推元臣手援天矛截修鱗披攘蒙霧武賦切開海門地平水靜浮天根羲和顯耀乘清氛赫炎溥暢融大鈞

右奔鯨沛十八句十句句三字八句句四字

梁之餘保荆衡巴巫窮南越良將取之不牙葛牙結二切以師為苞枿第六

苞枿黜音隊矣惟根之蟠彌巴蔽荆負南極以安

冒音我舊梁氏緝綏艱難江漢之阻都邑固以

完聖人作神武用有臣勇智奮不以衆投跡死

地謀猷縱化敵為家慮則中浩浩海裔不威而

同係縲降王定厥功澶漫萬里宣唐風蠻夷九

譯咸來從凱還金奏象形容震赫萬國罔不音恭龍

右苞枿二十八句十六句句四字二句
句五字九句句三字

李軌保河右師臨之不克變或執以降為

河右平第七

右澶漫頑為之魁王師如雷震崑崙以頽上

下聰驚不可迴助讎抗有德惟人之災乃潰

乃奮執縛歸厥命萬室蒙其仁一夫則病濡以

鴻澤皇之聖威畏德懷功以定順之于理物咸

遂厥性

右河右平十八句十一句句四字五句
句五字二句句三字

突厥之大古夷狄莫強焉師大破之降其

國告于廟為鐵山碎第八

鐵山碎大漠舒二虜勁連穹廬背北海專坤隅

歲來侵邊或傳音附于都天子命元帥奮其雄圖

破定襄降魁渠窮竟窟宅斥一作并余吾百蠻破膽

邊氓蘇威武輝一作輝耀明鬼區利澤彌萬祀功不可踰官臣拜手惟帝之謨

右鐵山碎二十二句

十一句句三字九句句四字二句句五字

劉武周敗裴寂咸有晉地太宗滅之為靖

本邦第九

本邦伊晉惟時不靖根柢之搖枝葉攸病守臣不任勤于神聖惟鉞之興翦焉則定洪一作惟理式和以敬羣頑既夷庶績咸正皇謨載大惟人之慶

右靖本邦十四句句四字

李靖滅吐谷渾西海上為吐谷渾第十

吐谷渾盛強背西海以夸歲侵擾我疆退匿險且遐帝謂神武師往征靖皇家烈烈旆其旗熊虎雜龍蛇王旅千萬人銜枚默無譁束力踰山徼張翼縱漠沙一舉刈羶腥尸骸積如麻除惡務本根況敢遺萌芽洋洋西海水威命窮天涯係虜來王都犒樂窮休嘉登高望還師竟一作野如春華行者靡不歸親戚謹要遮凱旋獻清廟萬國思無邪

右吐谷渾二十六句句五字

李靖滅高昌為高昌第十一

麴氏雄西北別絕臣外區既恃遠且險縱傲不
我虞烈烈王者師熊螭以為徒龍旂翻海浪驛
騎馳坤隅賁育搏嬰兒一掃不復餘平沙際天
極但見黃雲驅臣靖執長纓智勇伏囚拘文皇
南面坐夷狄千羣趨咸稱天子神往古不得俱
獻號天可汗以覆我國都兵戎一作戎不交害各保
性與軀

右高昌二十二句句五

既克東蠻羣臣請圖蠻夷狀如周書王會

為東蠻第十二

東蠻有謝氏冠帶理海中自言我異世雖取莫
能通王卒如飛翰鵬鴛駭羣龍轟然自天墜乃
信神武功繫虜君臣人累累來自東無思不服
從唐業如山崇百辟拜稽首咸願圖形容如周
王會書永永傳無窮睢盱萬狀乖咿嗚骨切九譯
重廣輪撫四海浩浩知皇風歌詩鐃鼓間以壯
我元戎

右東蠻二十二句句五

眎民詩

帝眎民情匪幽匪明慘或在腹已如色聲亦無
 動威亦無止力弗動弗止惟民之極帝懷民眎
 乃降明德乃生明翼明翼者何乃房乃杜惟房
 與杜實為民路迺定天子迺開萬國萬國既分
 迺釋蠹民迺學與仕迺播與食迺器與用迺貨
 與通有作有遷無遷無作士實蕩蕩農實董董
 工實蒙蒙賈實融融左右惟一出入惟同攝儀
 以引以導以肆音曳其風既流品物載休
 惟天子守乃二公之久惟天子明乃二公之成
 惟百辟正乃二公之令惟百辟穀乃二公之祿

二公行矣弗敢憂縱是獲憂共二公居矣弗敢
 求止是獲泰已既柔一德四夷是則四夷是則
 永懷不忒

貞符

於穆一作穆敬德黎人皇之惟貞厥符浩浩將之仁
 函于膚刃莫畢屠澤燠一作寒于爨鬻同沸炎以澣殄
 厥凶德乃毆乃夷懿其休風是煦是吹父子熙
 熙相寧以嬉賦徹而藏厚我糗糧一作糧刑輕以清
 我完一作肌靡傷貽我子孫百代是康十聖嗣十
 治仁后之子子思孝父易患于已拱之戴之神

具爾宜載揚于雅承天之嘏音假天之誠神宜鑒
 于仁神之曷依宜仁一作人之歸濮沿于北祝栗于
 南幅負西東祇一乃心祝唐之紀後天罔墜祝
 皇之壽與地咸久曷徒祝之心誠篤之神協人
 同道以告之俾彌億萬年不震不危我代之延
 永永毗之仁增以崇曷不爾思有號于天僉曰
 嗚呼咨爾皇靈無替厥符

柳河東先生詩集卷第一

柳河東先生詩集卷第二

古今詩

同劉二十八院長述舊言懷感時書事

奉寄澧州張負外使君五十二韻之

作因其韻增至八十通贈二君子

物歲游玄圃先容幸棄瑕名勞長者記文許後
 生誇鸚翼嘗披隼蓬心賴倚麻繼酬天祿署俱
 尉甸侯家憲府初收跡丹墀共拜嘉分行參瑞
 獸傳點亂宮鴉執簡寧循枉持書每去邪鸞皇
 標魏闕熊武負崇牙辨色宜相顧傾心自不譁

金鑪仄流月紫殿啓晨暉音還未竟遷喬樂俄成

失路嗟還如渡遼水更似謫長沙別怨秦城暮

途窮越嶺斜訟庭閑枳棘候吏逐麋麕三載皇

恩暢千年聖曆遐朝宗延架海師役罷梁差京

邑搜貞幹南宮步渥洼世推材是梓一作人仰驥

中驕歛刺苗人地仍逾贛石崖禮容乘琕琫戎

備響鉅鍛音鴉寵即郎官舊威從太守加建旗翻

鷲鳥負弩繞文蛇冊府榮八命中闈盛六珈肯

隨胡質矯方惡馬融奢褒德符新換懷仁道迸

遮俗嫌龍節晚朝訝介圭賒禹貢輸苞匭周官

賦秉秬音查雄風吞七澤異產控三巴即事觀農

稼因時展物華秋原被蘭葉春渚漲桃花令肅

軍無擾程懸市禁貫不應虞竭澤寧復歎棲苴

踪躩音塚駟先駕籠銅鼓報衙染豪東國素濡印

錦溪砂貨積舟難泊人歸山倍畚音賒吳歛工折

柳楚舞舊傳芭隱几松為曲傾尊石作汗寒初

榮橘柚夏首薦枇杷祀變荆巫禱風移魯婦髻

莊華切已聞施愷悌還覩正奇袞慕友慚連璧言姻

喜附葭沈埋全死地流落半生涯入郡嘗常折

逢人手盡又敢辭親恥汗唯恐長疵瘕善幻迷

冰火齊諧笑泊塗音茶東門牛屢飯中散蟲空爬

逸戲看猴一作猿鬪殊音辨馬槓渚行狐作孽林宿

鳥為殄音瘥同病憂能老新聲麗似姱豈知千仞

墜祗為一豪差守道甘長絕明心欲白到貯愁

聽夜雨隔淚數殘葩梟族音常聒豺羣喙競呀

岸蘆翻毒蜃磳竹鬪狂摩音麻野鷺行看弋江魚

或共叔瘴氛恒積潤訛火亟生煨耳靜煩喧蟻

魂驚怯怒蛙風枝散陳葉霜蔓纏一作纏寒瓜霧密

前山桂冰枯曲沼菰思鄉比莊舄遯世遇睦音雖

夸漁舍茨荒草林橋卧古槎御寒衾用蜀氍毹水

勺乃柳窻蠹惟潛蝎薨涎競綴蝸引泉開故竇

護藥插新色樹怪花因榭蟲憐目待蝦驟歌喉

易嘍所嫁於介二切饒醉鼻成戲音查曳捶牽羸馬垂簑牧

艾猴音加已看能音奴類鼈猶訝雉為鞞誰采中原

菽徒巾下澤車俚兒供苦筍音倉父饋酸檀音查

勸策扶危杖邀持當酒茶道流微短或作短音樹褐禪

客會袈裟香飯春菰米珍蔬折五茄方期飲甘

露更欲吸流霞屋鼠從穿兀林狙任攫拏春衫

裁白紵朝帽挂烏紗屢歎恢恢網頻搖肅肅置

衰榮困萸莢盈缺幾蝦蟇路識溝邊柳城聞隴

上笳共思捐佩處干騎擁青緇音瓜

弘農公以碩德偉材屈於誣枉左官三

歲復為大僚天監昭明人心感悅宗

元竄伏湘浦拜賀末由謹獻詩五十

韻以畢微志

知命儒為貴時中聖所臧處心齊寵辱遇物任

行藏關識新安地封傳臨晉鄉挺生推豹蔚遐

步仰龍驤幹有干尋竦精聞百鍊鋼茂功期舜

禹高韻狀一作上義皇一作黃足逸詩書圍鋒搖翰墨

場雅歌張仲德頌祝魯侯昌憲府初騰價神州

轉耀銚右言盈簡冊左轄備條綱響切晨趨珮

煙濃近侍香司儀六禮洽論將七兵揚合樂來

儀鳳尊祠重餼羊卿材優柱石公器擅巖廊峻

節臨衡嶠和風滿豫章人歸父母育郡得股肱

良細故誰留念煩言肯過防璧非真盜客金有

誤持郎龜虎休前寄貂蟬冠舊行訓刑方命呂

理劇復堆張直用明銷惡還將道勝剛敬逾齊

國社恩比召南棠希怨猶逢怒多容競忤強火

炎侵琬琰鷹擊謬鸞皇刻木終難對焚芝未改

芳遠遷逾桂嶺中徒滯餘杭顧土雖懷趙知天

詎畏匡論嫌齊物誕騷愛遠遊傷麗澤周羣品
 重明照萬方斗間收紫氣臺上挂清光福為深
 仁集妖從盛德襍秦民啼歛畝周士舞康莊采
 綬還垂艾華簪更截肪高居遷鼎邑遥傳一作好
 書王碧樹環金谷丹霞映上陽留歡唱容與音預
 已醉對清涼故友仍同里常僚每合堂淵龍過
 汗邵冰鯉弔王祥玉漏天門靜銅馳御路荒間
 漣秋激豔嵩少暮微茫遵渚徒云樂冲天自不
 違降神終入輔種德會明敷獨棄滄人國難窺
 笑子牆通家殊孔李舊好即潘楊世議并張摯

時情棄仲翔不言縲繼枉徒恨縲一作長賈誼
 愁單閼鄒書怯大梁烟心那自是昭世一作代嬾佯
 狂鳴玉機全息懷沙事不忘戀恩何敢死垂淚
 對清湘

酬韶州裴曹長使君寄道州呂八大使

因以見示二十韻一首

韶州因以詩見及往復奇麗邈不可慕用韻尤
 為高絕余因拾其餘韻酬焉凡為韶州所用者
 置不取其聲律言數如之
 金馬嘗齊入銅魚亦共頒疑山看積翠瀆水想

澄灣標榜同驚俗清明兩照姦乘輶參孔僅按
 節服侯獮賈傅辭寧切虞童髮未鬣音班秉心方
 的的騰口任嘖音顏嘖聖理高懸象爰書降罰緩
 淚自潛在亡均寂寞零落間惇鰥夙志隨憂盡
 殘肌觸瘴瘴五還切月光搖淺瀨風韻碎枯管海俗
 衣猶卉山夷髻不鬟泥沙潛虺蜮榛莽鬪豺猥
 音循省誠知懼安排祇自憫音閑食貧甘莽鹵被
 裼謝爛褊遠物裁青芻時珍饌白鷓長捐楚客
 珮未賜大夫環異政徒云仰高蹤不可攀空勞

慰顛頽妍唱劇妖嫵

酬婁秀才將之淮南見贈之作

遠棄甘幽獨誰言值故人好音憐鍛羽濡沫慰
 窮鱗困一作用志情惟舊相知樂更新浪遊輕費日
 醉舞詎傷春風月歡寧間星霜分益親已將名
 是患還用道為鄰機事齊飄瓦嫌猜比拾塵高
 冠余肯賦長鉞子忘貧晚晚驚移律睽攜忽此
 辰開顏時不再絆足去何因海上銷魂別天邊
 弔影身祇應西澗水寂寞但垂綸

酬婁秀才寓居開元寺早秋月夜病中

見寄

客有故園思，瀟湘生夜愁。病依居士室，夢繞羽人丘。味道憐知止，遺名得自求。壁一作堂空殘月曙，門掩候蟲秋。謬委雙金重，難徵雜珮酬。碧霄無枉路，徒此助離憂。

初秋夜坐贈吳武陵

稍稍雨侵竹，翻翻鶻驚叢。美人隔湘浦，一夕生秋風。積霧杳難極，滄波浩無窮。相思豈云遠，即席莫與同。若人抱竒音，朱弦音巨絙。枯桐清商激，西顥泛豔凌。長空自得本，無作天成諒。非功希

聲，闕大樸，聳俗何由聰。

晨詣超師院讀禪經

汲井漱寒齒，清心拂塵服。閑持貝葉書，步出東齋讀。真源了無取，妄跡世所逐。一作遺言冀可冥，繕性何由熟。道人庭宇靜，苔色連深竹。日出霧露餘，青松如膏沐。澹然離言說，一作語悟悅心自足。

贈江華長老

老僧道機熟，默語心皆寂。去歲別春陵，泐流此投跡。室空無侍者，巾屨惟挂壁。一飯不願餘，跏趺便終夕。風窻疎竹響，露井寒松滴。偶地即安

居滿庭芳草積

巽上人以竹間自採新茶見贈酬之以

詩

芳叢翳湘竹零露凝清華復此雪山客晨朝掇
靈芽蒸煙俯石籟咫尺凌丹崖圓方麗竒色圭
璧一作玉無纖瑕呼兒爨金鼎餘馥延清遐滌慮發
真照還源蕩昏邪猶同甘露飯佛事薰毗耶咄
此蓬瀛侶無乃貴流霞

零陵贈李卿元侍御簡吳武陵

理世固輕士棄捐湘之湄一作竟陽光競一作竟四溟敲石

安所施鍛羽集枯幹低昂平鳴悲朔雲吐風寒
寂歷窮秋時君子尚容與小人守兢危慘悽日
相視離憂坐自滋樽酒聊可酌放歌諒徒爲惜
無協律者窈眇弦吾詩

界圍巖水簾

界圍滙湘曲青壁環澄流懸泉聚成簾羅注無
時休韻磬叩凝碧鏘鏘徹巖幽丹霞冠其顛想
像凌虛游靈境不可狀鬼工諒難求忽如朝玉
皇天冕垂前旒楚臣昔南逐有意仍丹丘今我
始北旋新詔釋縲囚采真誠眷戀許國無淹留

再來寄幽夢遺貯催行舟

古東門行

漢家三十六將軍東方雷動橫陣雲雞鳴函谷
客如霧貌同心異不可數赤丸夜語飛電光徼
巡司隸眠如羊當街一叱百吏走馮敬曾中函
七首兇徒側耳潛愜心悍臣破膽皆杜口魏王
卧内藏兵符子西掩袂真無辜

轂下一朝

起敵國舟中非所擬安陵誰辨削礪功韓國詎

明深井里絕咽

一作膳一作腰
秦晉謂肌白臄

斷骨那下

一作可補萬金

寵贈不如土

寄韋珩

初拜柳州出東郊道旁相送皆賢豪迴眸炫晃
別羣玉獨赴異域穿蓬蒿炎煙六月咽口鼻曾
鳴有舉不可逃桂州西南又千里灘水鬪石麻
蘭高陰森野葛交蔽日懸蛇結虺如葡萄到官
數宿賊滿野縛壯殺老啼且號飢行夜坐設方
略籠銅枹音枹鼓手所操竒瘡釘骨狀如箭鬼手
脫命爭織豪今年噬毒得霍疾支心攪腹戟與
刀爾來氣少筋骨露蒼白瀝汨盈顛毛君今矻
矻又竄逐辭賦已復窮詩騷神兵廟略頻破

四溟不日清風濤聖恩儻忽念行葦十年踐踏
久已勞幸因解網入鳥獸畢命江海終遊遨願
言未果身益老起望東北心滔滔

奉和楊尚書郴州追和故李中書夏日

登北樓十韻之作依本詩韻次用

郡樓有遺唱新和敵南金境以道情得人期幽
夢尋層軒隔炎暑迴野恣窺臨鳳去徽音續芝
焚芳意深游鱗出陷浦唳鶴遶仙岑風起三湘
浪雲生萬里陰宏規齊德宇麗藻競詞林靜契
分憂術閑同遲音禪容心驂騑當遠步鷓鴣莫相

侵今日登高處還聞梁父吟

揚尚書寄柳筆知是小生本樣令更商

權使盡其功輒獻長句

截玉銛錐作妙形貯雲含霧到南溟尚書舊用
裁天詔內史新將寫道經曲藝豈能裨損益微
辭祗欲播芳馨桂陽卿月光輝徧豪末應傳顧
兔靈

南省轉牒欲具注國圖令盡通風俗故

事

聖代提封盡海壖

而緣切

狼荒猶得紀山川華夷圖

上應初錄風土記中殊未傳椎髻老人難借問
黃茅深峒敢留連南宮有意求遺俗試檢周書
王會篇

與浩初上人同看山寄京華親故

海畔尖山似劒鉞秋來處處割愁腸若為化得
身千億散上峯頭望故鄉

再至界圍巖水簾遂宿巖下

發春念長違中夏欣再覩是時植物秀杳若臨
玄圃歊陽訝垂冰白日驚雷雨笙簧潭際起鸛
鶴雲間舞古苔凝青枝陰草濕翠羽蔽空素彩

列激浪寒光聚的皜沈珠淵鏘鳴拍珮浦幽巖

畫屏倚新月玉鉤吐夜涼星滿川忽疑眠洞府

一作恍惚
迷洞府

詔追赴都迴寄零陵親故

每憶織鱗遊尺澤翻愁弱羽上丹青岸傍古埃
應無數次第行看別路遙

過衡山見新花開却寄弟

故國名園久別離今朝楚樹發南枝晴天歸路
好相逐正是峯前回鴈時

汨羅遇風

南來不作楚臣悲，重入修門自有期。
為報春風汨羅道，莫將波浪枉明時。

朗州竇常負外寄劉二十八詩見促行

騎走筆酬贈

投荒垂一紀，新詔下荆扉。
疑比莊周夢，情如蘇武歸。
賜環留逸響，五馬助征騑。
不羨衡陽鴈，春來前後飛。

離觴不醉至驛却寄相送諸公

無限居人送，獨醒可憐。
寂寞到長亭，荊州不遇高陽侶。
一夜春寒滿下廳。

北還登漢陽北原題臨川驛

驅車方向闕，迴首一臨川。
多壘非余恥，無謀終自憐。
亂松知野寺，餘雪記山田。
惆悵樵漁事，今還又落然。

善謔驛和劉夢得酹淳于先生

水上鵠已去，亭中鳥又鳴。
辭因使楚重，名為救齊成。
荒隴遽千古，羽觴難再傾。
劉伶今日意，異代是同聲。

詔追赴都二月至灞亭上

十一年前南渡客，四千里外北歸人。
詔書許逐

陽和至驛路開花處處新

李西川薦琴石

遠師騶忌鼓鳴琴去和南風愜舜心從此他山
千古重殷勤曾是奉徽音

同劉二十八哭呂衡州兼寄江陵李元

二侍御

衡嶽新摧天柱峯士林顛顛泣相逢祇令文字
傳青簡不使功名上景鐘三畝空留懸磬室九
原猶寄若堂封遙想荊州人物論幾迴中夜惜
元龍

奉酬楊侍郎文一作文因送入叔拾遺戲贈

詔追南來諸賓二首

貞一來時送綵牋一行歸鴈慰驚弦翰林寂寞
誰為主鳴鳳應須早上天

一生判却歸休謂著南冠到頭治長雖解縲紲
無由得見東周

商山臨路有孤松往來斫以為明好事
者憐之編竹成援遂其生植感而賦

詩

孤松傳翠蓋託根臨廣路不以險自防遂為明

所誤幸逢仁惠意重此藩籬護猶有半心存時
將承雨露

衡陽與夢得分路贈別

十年顛顛到秦京誰料翻為嶺外行伏波故道
風煙在翁仲遺墟草樹平直以慵踈招物議休
將文字占時名今朝不用臨河別垂淚千行便
濯纓

再授連州至衡陽酬贈別

劉禹錫

去國十年同赴召湘江千里又分岐重臨事

異黃丞相三黜名慚柳士師歸目併隨迴雁
盡愁腸正過斷猿時桂江東過連山下相望
長吟有所思

再上湘江

好在湘江水今朝又上來不知從此去更遣幾
年迴

清水驛叢竹天水趙云余手種二十二莖

簷下踈篁十二莖襄陽從事寄幽情祗應更使
伶倫見寫盡雌雄雙鳳鳴

長沙驛前南樓感舊

海鶴一為別存亡三十秋今來數行淚獨上驛南樓

桂州北望秦驛手開竹迳至釣磯留待

徐容州

幽迳為誰開美人城北來王程儻餘暇一上子陵臺

登柳州城樓寄漳汀封連四州

城上高樓接大荒海天愁思正茫茫驚風亂颭芙蓉水密雨斜侵薜荔牆嶺樹重遮千里目

一作雲駛

去如于里馬江流曲似九迴腸共來百越文身地猶自

書帶一經

柳州寄丈人周韶州

越絕孤城千萬峯空齋不語坐高春印文生綠經句合硯匣留塵盡日封梅嶺寒煙藏翡翠桂江秋水露鱗鱗丈人本自忘機事為想年來憔悴容

登柳州峨山

荒山秋日午獨上意悠悠如何望鄉處西北是

融州

得盧衡州書因以詩寄

臨蒸且莫歎炎方為報秋米鴈幾行林邑東迴
山似戟牂牁南下水如湯蒹葭淅瀝含秋霧橘
柚玲瓏透夕陽非是白蘋洲畔客還將遠意問
瀟湘

荅劉連州邦字

連璧本難雙分符刺小邦崩雲下灘水劈箭上
潯江負弩啼寒狖余救切鳴枹驚夜狖遙憐郡山好
謝守但臨窻

嶺南江行

瘴江南去入雲煙望盡黃茅是海邊山腹雨晴

添象跡潭心日煖長蛟涎射工巧伺遊人影颯
母偏驚旅客船從此憂來非一事豈容華髮待
流年

柳州峒氓

郡城南下接通津異服殊音不可親青箬裹鹽
歸峒客綠荷包飯趁虛人鷺毛禦臘縫山罽雞
骨占年拜水神愁向公庭問重譯欲投章甫作
文身

酬徐二中丞普寧郡內池館即事見寄

鵷鴻念舊行虛館對芳塘落日明朱檻繁花照

羽觴泉歸滄海近樹入楚山長榮賤俱爲累相
期在故鄉

酬賈鵬山人郡內新栽松寓興見贈二

首

芳朽自爲別無心乃玄功天天日放花榮耀將
安窠青松遺澗底擢峙茲庭中積雪表明秀寒
花助葱蘢幽貞夙有慕持以延清風

燕能常閉閣偶以靜見名竒姿來遠山忽似人
家生勁色不改舊芳心與誰榮喧卑豈所安任
物非我情清韻動竽瑟諧此風中聲

種柳戲題

柳州柳刺史種柳柳江邊談笑爲故事推移成
昔年垂陰當覆地聳幹會參天好作思人樹慚
無惠化傳

柳州二月榕葉落盡偶題

宦情羈思共悽悽春半如秋意轉迷山城過雨
百花盡榕葉滿庭鶯亂啼

浩初上人見貽絕句欲登仙人山因以

酬之

珠樹玲瓏隔翠微病來方外事多違仙山不屬

分符客一任凌空錫杖飛

雨中贈仙人山賈山人

寒江夜雨聲潺潺曉雲遮盡仙人山遙知玄豹
在深處下笑羈絆泥塗間

別舍弟宗一

零落殘魂倍黯然雙垂別淚越江邊一身去國
六千里萬死投荒十二年桂嶺瘴來雲似墨洞
庭春盡水如天欲知此後相思夢長在荆門郢
樹煙

奉和周二十二丈酬郴州侍郎衡江夜

泊得韶州書并附當州生黃茶一封
率然成篇代意之作

丘山仰德耀天路下征騑夢喜三刀近書嫌五
載違凝情江月落屬思嶺雲飛會入司徒府還
邀周掾歸

殷賢戲掾書後寄劉連州并示孟崙二
童

書成欲寄庾安西紙背應勞手自題聞道近來
諸子弟臨池尋已厭家雞

酬家雞之贈

劉禹錫

日日臨池弄小雛還思寫論付官奴柳家新
樣元和脚且盡姜芽斂手徒

銅魚使赴都寄親友

行盡關山萬里餘到時閭井是荒墟附庸唯有
銅魚使此後無因寄遠書

韓漳州書報徹上人亡因寄二絕

早歲京華聽越吟聞君江海分逾深他時若宣
蘭亭會莫畫高僧支道林

頻把瓊書出袖中獨吟遺句立秋風桂江日夜
流千里揮淚何時到甬東

重贈二首

聞說將雛向墨池劉家還有異同詞如今試遣
隈牆問已道世人那得知

世上悠悠不識真姜芽盡是捧心人若道柳家
無子弟往年何事乞西賓

荅前篇

劉禹錫

小兒弄筆不能嗔烏卧切浣壁書窻且賞懃聞彼
夢熊猶未兆女中誰是衛夫人

荅後篇

昔日慵工記姓名遠勞辛苦寫西京近來漸

有臨池興為報元常欲抗行

疊前

小學新翻墨沼波羨君瓊樹散枝柯左家弄玉
唯嬌女空覺庭前鳥跡多

疊後

事業無成恥藝成南宮起草舊連名勸君火急
添功用趁取當時二妙聲

柳州城西北隅種柑樹

手種黃柑二百株春來新葉徧城隅方同楚客
憐皇樹不學荊州利木奴幾歲開花聞噴雪何

人摘實見垂珠若教坐待成林日滋味還堪養
老夫

聞徹上人亡寄侍郎楊丈

東越高僧還姓湯幾時瓊珮觸鳴璫空花一散
不知處誰采金英與侍郎

段九秀才處見亡友呂衡州書迹

交侶平生意最親衡陽往事似分身袖中忽見
三行字拭淚相看是故人

柳州寄京中親故

林邑山聯瘴海秋牂牁水向郡前流勞君遠問

龍城地正北三千到錦州

重別夢得

二十年來萬事同今朝岐路忽西東
皇恩若許歸田去晚歲當為鄰舍翁

答

劉禹錫

弱冠同懷長者憂臨岐迴想盡悠悠
耦耕若便遺身世黃髮相看萬事休

三贈夢得

信書成自誤經事漸知非今日臨岐一作相別何年
待汝歸

答

劉禹錫

白玉早恨比四愁多會待休車騎相隨
出尉羅

種木榭花

苑年年占物華飄零今日在天涯
祇因長作城守剩種庭前木榭花

摘櫻桃贈元居士時在望仙亭南樓與

朱道士同處

海上朱櫻贈所思樓居況是望仙時
蓬萊羽客如相訪不是偷桃一小兒

酬曹侍御過象縣見寄

破額山前碧玉流，騷人遙駐木蘭舟。
春風無限瀟湘憶，一作意欲採蘋花不自由。

柳河東先生詩集卷第二

柳河東先生詩集卷第三
古今詩

法華寺石門精室三十韻

拘情病幽鬱，曠志寄高爽。願言懷名緇，東峯旦
夕仰。始欣雲雨霽，尤悅草木長。道同有愛弟，披
拂恣心賞。松谿胡了窈窕，土了入石棧助諫，夤緣上
蘿葛。綿層蔓莓苔，侵標榜密林。互對聳絕壁，儼
雙敞。塹峭出蒙籠，墟嶮臨滉漾。稍疑地脉斷，悠
若天梯往。結構罩羣崖，迴環驅萬象。小劫不踰
瞬，大千若在掌。體空得化元，觀有遺細想。喧煩

困蟻蠓跣蹠疲魍魎寸進諒何營尋直非所枉
貪竒極遙囑窮妙閱清響理會方在今神開庶
殊曩茲遊苟不嗣浩氣竟誰養道異誠所希名
賓匪余仗超攄藉外獎俯默有內朗鑑爾揖古
風終焉乃吾黨潛軀委韁鎖高步謝塵坱蓄志
徒為勞迹蹤將焉做淹留值頽暮眷戀睇遐壤
映日鴈聯軒翻雲波泱泱殊風紛已萃鄉路悠
且廣羈木畏漂浮離旌倦搖蕩昔人歎違志出
處今已兩何用期所歸浮圖有遺像幽蹊不盈
天虛室有函丈微言信可傳申旦稽吾顙

遊朝陽巖遂登西亭二十韻

調棄殊隱淪登陟非遠郊所懷緩伊鬱詎欲肩

心巢高巖瞰清江幽窟潛神蛟開曠延陽景迴

薄攢林梢西亭構其巔反宇臨呀虛牙切虜許交切背一作哮

瞻星辰興下見雲雨交惜非吾鄉土得以蔭菁

茅羈貫去江介世仕向山嶠故墅即澧川數畝

均肥瘠臺館葺荒丘池塘疏沈坳會有圭組戀

遂貽山林嘲薄軀信無庸瑣屑劇斗筲囚居固

其宜厚羞久已包庭除植蓬艾隙音牖懸蠨蛸

所賴山水客扁舟枉長梢梢船尾木挹流敵清觴掇野

代嘉肴適道有高言取樂非弦匏逍遥屏幽昧
澹薄辭喧呶晨雞不余欺風雨聞嘒嘒交音再期
永日閑提挈移中庖

湘口館瀟湘二水所會

九疑濬傾奔臨源委縈迴會合屬空曠泓澄停
風雷高館軒霞表危淩凌山隈茲辰始激直凌切霽
纖雲盡褰開天秋日正中水碧無塵埃杳杳漁
父吟叫叫羈鴻哀境勝豈不豫慮分固難裁升
高欲自舒彌使遠念來歸流駛且廣泛舟絕公
泗

登蒲洲石磯望橫江口潭島深迴斜

香零山

隱憂倦永夜凌霧臨江津猿鳴稍已踈登石娛
清淪日出洲渚淨澄明晶無垠浮暉翻高禽沈
景照文鱗雙江匯西奔詭怪潛坤珍孤山乃北
峙森爽棲靈神洄潭或動容島嶼疑搖振之人切陶
埴茲擇土蒲魚相與鄰信美非所安羈心屢後
巡糾字結良可解紆鬱亦已伸高歌返故室自
調非所欣

南澗中題

秋氣集南澗古澗獨游亭午時迴風一蕭瑟林影

久參差始至若有得稍深遂忘疲羈禽響幽谷

寒藻舞淪漪去國魂已游懷人淚空垂孤生易

為感失路少所宜索寞竟何事徘徊祇自知誰

為後來者當與此心期

遊石角過小嶺至長烏村

心適不期貴道存豈偷生久忘上封事復笑弄

天行竄逐宦湘浦搖心劇懸旌始驚陷世議

欲逃天刑歲月殺色界切憂慄慵踈寡將迎追遊

所愛且復句吾情石角恣幽步長烏遂遠在登

迴茂樹斷景晏寒川明曠望少行人時聞田鶴

鳴風篁冒水遠霜稻侵山平稍與人事閑益知

身世輕為農信可樂居寵真虛榮喬木餘故國

願言果丹誠四支反田畝釋一作澤志東臯耕

與崔策登西山

鶴鳴楚山靜露白秋江曉連袂度危橋榮迴出

林杪西岑極遠目豪末皆可了重疊九疑高微

茫洞庭小迴窮兩儀際高出萬象表馳景泛頽

波遙風遞寒篠謫居安所習稍厭從紛擾生同

脊靡遺壽等彭鏗天蹇連困顛踣愚蒙怯幽眇

非令親愛踈誰使心神悄偶茲遁山水得以觀
魚鳥吾子幸淹留緩我愁腸繞

構法華寺西亭

竄身楚南極山水窮險艱步登最高寺蕭散任
踈頑西垂下斗絕欲似窺人寰反如在幽谷榛
翳不可攀命童恣披翦葺宇橫斷山割如判清
濁颺若昇雲間遠岫攢衆頂澄江抱清灣夕照
臨軒墜棲鳥當我還苗苜苜溢嘉色音當音漬
清一作清爽神舒屏羈鎖志適忘幽潺棄逐久音
迨今始開顏賞心難久留離念來相關北地

親愛南瞻雜夷蠻置之勿復道且守須臾閑

夏夜苦熱登西樓

苦熱中夜起登樓獨褰衣山澤凝暑氣星漢湛
光輝火晶燥露滋野靜停風威探湯汲陰井煬
竈開重扉憑欄久徬徨流汗不可揮莫辯亭毒
意仰訴璿與璣諒非姑射子靜勝安能希

覺衰

久知老會至不謂便見侵今年宜未衰稍已來
相尋齒踈髮就種音奔走力不任咄此可奈何
未必傷我心彭聃安在哉周孔亦已沈古稱壽

聖人曾不留至今但願得美酒朋友常共斟是
時春向暮桃李生繁陰日照天正綠杳杳歸鴻
吟出門呼所親扶杖登西林高歌足自快商頌
有遺音

遊南亭夜還叙志七十韻

夙抱丘壑尚率性恣遊遨中爲吏役牽十祀空
惰勞外曲徇塵轍私心寄英髦進乏廊廟器退
非鄉曲豪天命斯不易鬼責將安逃屯難果見
凌剝喪宜所遭神期一作明固浩浩衆口徒嗷嗷
跡山水地故情詠離騷再懷曩歲期容與

舸虛館背山郭前軒面江臯重疊間浦溆瀟迤

驅巖菽

牛刀切

積翠浮澹濫始疑負靈鼈叢林留

衝飈石礫迎飛濤曠朗天景霽樵蘇遠相號澄

潭湧沈鷗半壁跳懸猿鹿鳴驗食野魚樂知觀

濠孤賞誠所悼暫欣良足裛留連俯櫺檻注我

壺中醪朶頤進芟實擢手持蟹螯炊稻視爨鼎

鱠鮮聞

一作閔

操刀野蔬盈傾筐頗雜池沼芼緬慕

鼓枻翁嘯咏哺其糟退想於陵子三咽資李膮

斯道難爲偕沈憂安所韜曲渚怨鴻鵠環洲彫

蘭草

音臯

暮景迴西岑北流逝滔滔徘徊遂昏黑

悠悠雨初霽獨繞清溪曲引杖試荒泉解帶圍
新竹沈吟亦何事寂寞固所欲幸此息營營嘯
歌靜炎燠

入黃溪聞猿

溪路千里曲哀猿何處鳴孤臣淚已盡虛作斷
腸聲

韋使君黃溪祈雨見召從行至祠下口

號

驕陽愆歲事良牧念菑畲列騎低殘月鳴笳度
碧虛稍窮樵客路遙駐野人居谷口寒流淨叢

祠古木踈焚香秋霧濕奠玉曉光初盼蠻巫言
報精誠禮物餘惠風仍偃草靈雨會隨車俟罪
非真吏翻慚奉簡書

郊居歲暮

屏居負山郭歲暮驚離索野迴樵唱來庭空燒
燼落世紛因事遠心賞隨年薄默默諒何爲徒
成今與昨

秋曉行南谷經荒村

杪秋霜露重晨起行幽谷黃葉覆溪橋荒村唯
古木寒花踈寂歷幽泉微斷續機心久已忘何

事驚麋鹿

雨後曉行獨至愚溪北池

宿雲散洲渚曉日明村塢高樹臨清池風驚夜
來雨余心適無事偶此成賓主

中夜起望西園值月上

覺聞繁露墜開戶臨西園寒月上東嶺泠泠踈
竹根石泉遠逾響山鳥時一喧倚楹遂至旦寂
寞將何言

零陵春望

平野春草綠晚鶯啼遠林日晴瀟湘渚雲斷岫

嶠岑仙駕不可望世途非所任凝情空景慕萬
里蒼梧陰

從崔中丞過盧少府郊舍

寓居湘岸四無鄰世網難嬰每自珍時吏切藥閑

庭延國老開樽虛室值賢人泉迴淺石依高柳
逕轉垂藤間綠筠聞道偏爲五禽戲出門鷗鳥
更相親

夏晝偶作

南州溽暑醉如酒隱几熟眠開北牖日午獨覺
無餘聲山童隔竹敲茶臼

雨晴至江渡

江雨初晴思遠步日西獨向愚溪渡
渡頭水落村逕成撩亂浮槎在高樹

江雪

千山鳥飛絕萬逕人蹤滅孤舟蓑笠翁獨釣寒
江雪

冉溪

少時陳力希公侯許國不復爲身謀風波一跌
逝萬里壯心瓦解空縲囚縲囚終老無餘事願
卜湘西冉溪地却學壽張樊敬侯種漆南園待

成器

法華寺西亭夜飲

祇樹夕陽亭共傾三昧酒霧暗水連階月明花
覆牖莫厭尊前醉相看未白首

戲題石門長老東軒

石門長老身如夢旃檀成林手所種坐來念念
非昔人萬徧蓮花爲誰用如今七十自忘機貪
愛都忘筋力微莫向東軒春野望花開日出雉
皆飛

茅簷下始栽竹

瘴茅葺為宇溽暑恒侵肌適有重脰疾蒸鬱寧
所宜東鄰幸導我樹竹邀涼颺欣然愜我志荷
鍾西巖垂楚壤多怪石墾鑿力已疲江風忽云
暮輿曳還相追蕭瑟過極浦旖音旖旒乃倚切附幽墀
貞根期永固貽爾寒泉滋夜窻遂不掩羽扇寧
復持清冷集濃露枕簟淒已知網一作細蟲依密葉
曉禽棲迴枝豈伊紛囂間重以心慮怡嘉爾亭
亭質自遠棄幽期不見野蔓草葍蔚有華姿諒
無凌寒一作雲色豈與青山辭

種仙靈毗

窮陋一作巷闕自養癘氣劇詈命煩隆冬乏霜霰日夕
南風温杖藜下庭際曳踵不及門門有野田吏
慰我飄零魂及言有靈藥近在湘西原服之不
盈旬斃蒲結切躡音薛皆騰騫笑抃前即吏為我擢其
根蔚蔚遂充庭英翹忽已繁晨起白採曝杵臼
通夜喧靈和理內藏攻疾貴自源擁覆逃積霧
伸舒委餘暄竒功苟可徵寧復資蘭蓀我聞畸
人術一氣中夜存能令深深息呼吸還歸跟音根
踈放固難效且以藥餌論痿者不忘起窮者寧
復言神哉輔吾足幸及兒女奔

種木

守閑事服餌採木東山阿東山幽且阻疲茶乃結切

煩經過戒徒斲靈根封植闕天和違爾澗底石

徹我庭中莎土膏滋玄液松露墜繁柯南東自

成畝繚繞紛相羅晨步佳色媚夜眠幽氣多離

憂苟可怡孰能知其多爨竹茹芳葉寧慮瘵側界切

與瘥留連樹蕙辭婉婉采薇歌悟拙甘自足激

清愧同波單音善豹且理內高門復如何

種白藪人羊切荷

血蟲化為癘夷俗多所神銜猜每腊毒謀富不

為仁蔬果自遠至盃酒盈肆陳言甘中必苦何

用知其真華潔事外飾尤病中州人錢刀恐賈

害飢至益浚巡竄伏常戰慄懷故逾悲辛庶氏

有嘉草攻禴事久泯炎帝垂靈編言此殊足珍

崎嶇乃有得託以全余身紛敷碧樹陰眇眇心

所親

新植海石榴

弱植不盈尺遠意駐蓬瀛月寒空堦曙幽夢綵

雲生糞壤擢珠樹莓苔插瓊英芳根閱顏色徂

歲為誰榮

戲題堦前芍藥

凡卉與時謝妍華麗茲晨歆紅醉濃露窈窕留
餘春孤賞白日暮暄風動搖頻夜窻藹芳氣幽
卧知相親願致溱洧贈悠悠南國人

始見白髮題所植海石榴樹

幾年封植愛芳叢韶豔朱顏竟不同從此休論
上春事看成古木對衰翁

植靈壽木

曰華鑿寒水怡我適野情前趨問長老重複欣
嘉名蹇連易衰朽方剛謝經營敢期齒杖賜聊

且移孤莖叢萼中競秀分房外舒英柔條乍反
植勁節常對生循翫足忘疲稍覺步武輕安能
事翦伐持用資徒行

自衡陽移桂十餘本植零陵所住精舍

謫官去南裔清湘繞靈嶽晨登蒹葭岸霜景霽
紛濁離披得幽桂芳本欣盈握火耕困煙燼新
採久摧剥道旁且不願岑嶺况悠邈傾筐壅故
壤棲息期鸞鷲仕角切路遠清涼宮一雨悟無學南
人始珍重微我誰先覺芳意不可傳丹心徒自
渥

湘岸移木芙蓉植龍興精舍

有美不自蔽安能守孤根
盈盈湘西岸秋至風露繁
麗影別寒水穠芳委前軒
芰荷諒難雜反此生高原

早梅

早梅發高樹迴映楚天碧
朔吹飄夜香繁霜滋曉白
欲為萬里贈杳杳山水隔
寒英坐銷落何用慰遠客

南中榮橘柚

橘柚懷貞質受命此炎方
密林耀朱綠晚歲有

餘芳殊風限清漢飛雪滯
故鄉攀條何所歎北望熊
與湘

紅蕉

晚英值窮節綠潤含朱光
以茲正陽一作陰色窈窕
凌清霜遠物世所重旅人
心所傷迴暉眺林際

戚戚一作撼無遺芳

巽公院五詠

淨土堂

結習自無始淪溺窮苦源
流形及茲世始悟三空門
華堂開淨域圖像煥且繁
清泠焚衆香微

妙歌法言稽首媿導師超遙謝塵昏

曲講堂

寂滅本非斷文字安可離曲堂何為設高士方
在斯聖默寄言宣分別乃無知趣中即空假名
相與誰期願言絕聞得忘意聊思惟

禪室

發地結菁茅團團抱虛白山花落幽戶中有忘
機客涉有本非取照空不待析萬籟俱緣生窅
然喧中寂心境本洞一作如鳥飛無遺跡

芙蓉亭

新亭俯朱檻嘉禾芙蓉清香晨風遠縹彩寒
露濃蕭灑出人世低昂多異容嘗聞色空喻造
物誰為工留連秋月晏迢遞來山鐘

苦竹橋

危橋屬幽逕繚繞穿踈林迸籜分苦節輕筠抱
虛心俯瞰涓涓流仰聆蕭蕭吟差池下煙日嘲
啗一作鳴山禽諒無要津用棲息有餘陰

梅雨

梅實迎時雨蒼茫值晚春愁深楚猿夜夢斷越
雞晨海霧連南極江雲暗北津素衣今盡化非

為帝京塵

零陵早春

問春從此去幾日到秦原
憑寄還鄉夢殷勤入故園

田家三首

蓐食徇所務驅牛向東阡
雞鳴村巷白夜色歸暮
田札札耒耜聲飛飛來烏鳶
竭茲筋力事持用窮歲年
盡輸助徭役聊就空自眠
子孫日以長世世還復然

籬落隔煙火農談四鄰夕
庭際秋蟲鳴踈麻方

寂歷蠶絲盡輸稅機杼空倚壁
里胥夜經過雞黍事筵席
各言官長峻文字多督責
東鄉後租期車轍陷泥澤
公門少推恕鞭扑恣狼籍
努力慎經營肌膚真可惜
迎新在此歲唯恐踵前跡
古道饒蒺藜縈迴古城曲
蓼花被隄岸陂水寒更淥
是時收穫竟落日多樵牧
風高榆柳踈霜重梨棗熟
行人迷去住野鳥競棲宿
田翁笑相念昏黑慎原陸
今年幸少豐無厭餽與粥

行路難三首

君不見夸父逐日窺虞淵
跳踉北海超崑崙披

霄泐漢出沆漭瞥裂左右遺星辰須臾力盡道
渴死狐鼠蜂蟻爭噬吞北方蟬人長九寸開口
抵掌更笑喧啾啾飲食滴與粒生死亦足終天
年睚眦大志小成遂坐使兒女相悲憐
虞衡斤斧羅千山工命採斫杙音弋與椽深林土
剪十取一百牛連鞅摧雙轅萬圍千尋妨道路
東西蹶倒山火焚遺餘豪末不見保躡躑躅壑
何當音付羣材未成質已天突兀嶸豁空崑巒柏
梁天災武庫火匠石狼顧相愁冤君不見南山
棟梁益稀少愛才養育誰復論

飛雪斷道冰成梁侯家熾炭離玉房蟠龍吐耀
虎豕張熊蹲豹躑爭低昂攢巒叢嶸五各切射朱光
丹霞翠霧飄奇香美人四向迴鳴璫雪山冰谷
晞太陽星躔奔走不得止奄忽雙燕棲虹梁風
臺露榭生光飾死灰棄置參與商盛時一去貴
反賤桃笙葵扇安可當

聞籍田有感

天田不日降皇輿留滯長沙歲又除宣室無由
問釐音禧事周南何處託成書

歧烏詞

城上日出羣鳥飛鷓鴣爭赴朝陽枝刷毛伸翼
和且樂爾獨落魄今何為無乃慕高近白日三
足妬爾令爾疾無乃飢啼走路旁貪鮮攫肉人
所傷翹肖獨足下叢薄口銜低枝始能躍還顧
泥途備蝼蟻仰看棟梁防燕雀左右六翮利如
刀踊身失勢不得高支離無趾猶自免努力低
飛逃後患

籠鷹詞

淒風浙瀝飛嚴霜蒼鷹上擊翻曙光雲披霧裂
虹蜺斷霹靂制手電捎平岡霍號切然勁翮剪荆棘

下攫狐兔騰蒼茫爪毛吻血百鳥逝獨立四顧
時激昂炎風溽暑忽然至羽翼脫落自摧藏草
中狸鼠足為患一夕十顧驚且傷但願清商復
為假拔去萬累一作里雲間翔

放鷓鴣詞

楚越有鳥甘且腴嘲嘲自名為鷓鴣徇媒得食
不復慮機械潛發罹罟音孚羽毛摧折觸籠
籟煙火煽赫驚庖廚鼎前芍藥調五味膳夫攘
腕左右視齊王不忍穀棘牛簡子亦放邯鄲鳩
二子一作君得意猶念此況我萬里為孤囚破籠展

翅當遠去同類相呼莫相顧

龜背戲

長安新技出宮掖喧喧初徧王侯宅玉盤滴瀝
黃金錢皎如文龜麗秋天八方定位開神卦六
甲離離齊上下投變轉動玄機早星流霞破相
參差四分五裂勢未已出無入有誰能知乍驚
散漫無處所須臾羅列已如故徒言萬事有盈
虛終朝一擲知勝負修門象棋不復貴魏宮粧
奩世所棄豈如瑞質耀奇文願持千歲壽五石
廟堂巾笥非余慕錢刀兒女徒紛紛

聞黃鸝

倦聞子規朝暮聲不意忽有黃鸝鳴一聲燕斷

楚江曲滿眼故園春意生

一作草綠

目極

一作故園

千里無

山河麥芒際天搖青波王畿優本少賦役務閑
酒熟饒經過此時晴煙最深處舍南巷北遙相
語翻日迴度昆明飛凌風邪看細柳翥我今誤
落千萬山身同僮人不思還鄉禽何事亦來此
令我心憶桑梓聞閉聲迴翅歸務速西林紫棋
行當熟

渾鴻瀟宅聞歌効白紵

翠帷雙卷出簾城龍劍破匣霜月明朱脣掩
悄無聲金簧玉磬宮中生下沉秋水激太清天
高地迴凝口晶羽觴蕩漾何事傾

楊白花

湯白花風吹度江水坐令宮樹無顏色搖蕩春
光千萬里茫茫曉日下長秋哀歌未斷城鷓起

漁翁

魚翁夜傍西巖宿曉汲清湘然楚竹煙銷日出
不見人欸乃音襖一聲山水綠一作綠迴看天際下中
巖上無心雲相逐

飲酒

今日少愉樂起坐開清尊舉觴酌音先酒遺我
驅憂煩須臾心自殊頓覺天地暄連山變幽晦
淶水函晏温藹藹南郭門樹木一何繁清陰可
自庇竟夕聞佳言盡醉無復辭偃卧有芳蓀彼
哉晉楚富此道未必存

讀書

幽沈謝世事俛然窺唐虞上下觀古今起伏千
萬途遇欣或自笑感戚亦以吁縹帙各舒散前
後互相逾瘴疴擾靈府日與往昔殊臨文乍了

了徹卷元若無竟夕誰與言但與竹素俱倦極
更倒卧熟寐乃一蘇欠伸展支體吟咏心自愉
得意適其適非願為世儒道盡即閉口蕭散捐
囚拘巧者為我拙智者為我愚書史足自悅安
用勤與劬貴爾六尺軀勿為名所驅

感遇二首

西陸動涼氣驚鳥號北林棲息豈殊性集枯安
可任鴻鵠去不返句吳阻且深徒嗟日沈酒丸
鼓鶩竒音東海久搖蕩南風已駸駸坐使青天
暮小星愁太陰衆情嗜姦利居貨損一作損千金危

根一以振齊斧來相尋攬衣中夜起感物涕盈
襟微霜衆所踐誰念歲寒心

旭日照寒野鶯音斯起蒿萊啁啾有餘樂飛舞
西陵隈迴風旦夕至零葉委陳荻所棲不足恃

鷹隼縱橫來

詠史

燕有黃金臺遠致望諸君嗷嗷事強怨三歲有
竒勲悠我闢疆理東海漫浮雲寧知世情異嘉
穀坐煬焚致令委金石誰顧蠢蠕時亮切羣風波歟
許勿切潛構遺恨意紛紜豈不善圖後交私非所聞

為忠不內顧晏子亦垂文

三良

束帶值明后顧眄流輝光一心在陳力鼎列夸
四方款款効忠信恩義皎如霜生時亮同體死
沒寧分張壯軀閉幽隧猛志填黃腸殉死禮所
非況乃用其良霸基弊不振晉楚更張皇疾病
命固亂魏氏言有章從邪陷厥父吾欲討彼狂

詠荆軻

燕秦不兩立太子已為虞千金奉短計匕首荆
卿趨窮年徇所欲兵勢且見屠微言激幽憤怒

日辭燕都朔風動易水揮爵前長驅函首致

怨獻田開版圖炯然曜電光掌握罔正一作夫造

端何其銳臨事竟趨起長虹吐白日倉卒反受

誅按劍赫憑怒風雷助號呼慈父斷子首狂走

無容軀夷城芟七族臺觀皆焚污始期憂患

卒動災禍樞秦皇本詐力事與桓公殊奈何効

曹子實謂勇且愚世傳故多謬太史徵無且

掩役夫張進骸

生死悠悠爾一氣聚散之偶來紛喜怒奄忽已
復辭為役孰賤辱為貴非神奇一朝續息定枯

河東言卷三
三
朽無妍媸生平勤阜樾劉秣不告疲既死給轉
積葬之東山基奈何值崩湍蕩析臨路垂髡然
暴百骸一作體散亂不復支從者幸告余睠之涓然
悲猫虎獲迎祭犬馬有蓋帷佇立唁爾魂豈復
識此為畚音本鍤載埋瘞溝瀆護其危我心得所
安不謂爾有知掩骼著春令茲焉適其時及物
非吾輩聊且顧爾私

其省試觀慶雲圖

設色

初英華
作方

成象卿雲示國都九天開祕祉百辟

贊嘉謨抱日依龍袞非煙近御爐高標連汗漫

迥望接虛無烈素榮光發舒華瑞色敷恒將配
堯德垂慶代河圖

春懷故園

九扈鳴已晚楚鄉農事春悠悠故池水空待灌
園人

柳河東先生詩集卷第三

河東去北極東去三

國八

大風即已湖焚燬皇軍春效效效此木空

春對姑園

漢書並氣分既圖

何處對孤無際素榮不發特華語色煥國神地

